

ORDENANZA Nº 18

ORDENANZA FISCAL REGULADORA DAS TAXAS POLA PRESTACIÓN DE SERVIZOS DE MEDIO AMBIENTE E VIDA SAUDABLE

ARTIGO 1.- FEITO IMPOÑIBLE.

Constituirán feitos impoñibles destas taxas os seguintes servizos que presta o Servizo de Medio Ambiente e Vida Saudable:

- a) Análises de hidroloxía.
- b) Autorización de vertidos non domésticos de augas residuais.
- c) Control de plagas (desinfección, desratización e desinsectación de vivendas e locais).
- d) Desinfección e desinsectación, no seu caso, dos vehículos autotaxis.
- e) Licenzas e inscricións de animais potencialmente perigosos

ARTIGO 2.- SUXEITOS PASIVOS.

Son suxeitos pasivos, obrigados ao pagamento destas taxas, as persoas ou entidades que, voluntariamente ou en virtude de disposición legal ou regulamentaria, soliciten e obteñan do Servizo de Medio Ambiente e Vida Saudable as prestacións relacionadas no artigo 1 da presente ordenanza.

ARTIGO 3.- EXENCIÓNS E BONIFICACIÓNS.

Estarán exentos das taxas reguladas na presente ordenanza, os suxeitos pasivos membros de familias con ingresos brutos anuais per cápita inferiores a 4.166 € ou inferiores ou iguais a 6.519 euros se se trata de familias numerosas. A titularidade de Bens Inmóbiles de Natureza Urbana, a excepción da vivenda na que residen, non deberá superar un valor catastral total de 49.305 €.

Para a determinación dos Ingresos Brutos anuais per cápita teranse en conta as seguintes normas:

1.1 O ingreso bruto anual per cápita calcularase dividindo a totalidade dos ingresos brutos anuais de todas as persoas que convivan na vivenda entre o número total daquelas. No caso de persoa cun grao de discapacidade igual ou superior ao 65%, computarase como se foran dúas persoas. No caso de que o grao de discapacidade estivese entre o 33% e o 65% computarase como 1,5.

- 1.2 No caso de persoas maiores de 65 anos, aplicarase aos seus ingresos brutos o coeficiente 0,50.
- 1.3 No caso de que o suxeito pasivo desta taxa resida só nunha vivenda aplicarase aos seus ingresos brutos o coeficiente 0,55.
- 1.4 No caso de que se dean simultaneamente as dúas circunstancias referidas nos dous parágrafos anteriores, aplicarase o coeficiente 0,35.
- 1.5 No caso de que o suxeito pasivo sexa unha persoa vítima de violencia de xénero acreditada mediante sentenza firme, ou de protección ou medida cautelar, informe do ministerio fiscal sobre indicios de violencia de xénero, informe dos servizos sociais autonómicos ou locais, así como outras formas de acreditación establecidas na lexislación vixente (LO 1/2004 de medidas de protección integral contra a violencia de xénero e Lei 11/ 2007 para a prevención e tratamento da violencia de xénero da Comunidade Autónoma) aplicarase a súa renda o coeficiente 0,35. Este coeficiente será de aplicación durante os primeiros 5 anos contados dende a data da sentenza ou dos demais documentos acreditativos
- 1.6 No caso de que o suxeito pasivo sexa un/a titor/a monoparental, único/a perceptor/a de ingresos e os fillos/as non tiveran rematado o ensino obrigatorio, aplicarase ao seus ingresos brutos o coeficiente 0,55. Poderá aplicarse este coeficiente no caso de que os/as fillos/as percibiran prestacións de carácter público con motivo de discapacidade, invalidez e orfandade.
- 1.7 No caso de persoas que tendo cargas familiares, levasen en situación de desemprego mais de 22 meses ininterrompidos, aplicarase aos seus ingresos brutos un coeficiente do 0,50. O computo dos 22 meses para a aplicación dese coeficiente iniciarase ao un xanerio do ano anterior ao da solicitude
- 1.8 No caso de persoas en situación de "dependencia en calquera dos seus graos", aplicarase aos seus ingresos un coeficiente do 0,50.
- 1.9 No caso das persoas dependentes do apartado 1.8 que fosen maiores de 65 anos aplicarase un coeficiente do 0,35.
- 1.10 No caso de persoas dependentes do apartado 1.8 que fosen maiores de 65 anos e residan soas aplicarase un coeficiente do 0,30.

ARTIGO 4.- COTAS.

A) HIDROLOXÍA

Euros

1. Análise auga de consumo non tratada, incluíndo pH, conductividade, turbiedade, nitritos, nitratos, amonio, oxidabilidade ao permanganato, Bacterias Coliformes, Escherichia Coli, Enterocos intestinais.....26,05 €
2. Análise auga de consumo tratada , incluíndo pH, conductividade, turbiedade, nitritos, nitratos, amonio, oxidabilidade ao permanganato, cloro libre, 1 metal a elexir entre cobre, ferro, cromo, níquel ou chumbo, Bacterias Coliformes, Escherichia Coli, Enterocos intestinais.....54,20 €
3. Análise auga envasada, incluíndo pH, conductividade, turbiedade, nitritos, nitratos, amonio,residuo seco a 180°C, fluoruros, Escherichia coli, Enterocos intestinais , Pseudomonas aeruginosa, Reconto de colonias a 22°C, Reconto de colonias a 36°C, Anaerobios sulfito reductores esporulados51,45 €
4. Análise auga de piscinas, incluíndo pH, turbiedade, cloro libre residual, cloro combinado residual, potencial REDOX, Escherichia Coli, Pseudomonas aeruginosa.....67,50 €
5. Análise de potabilidade naquelas áreas da vila nas que non exista rede municipal de abastecemento domiciliario de auga potable.....1,80 €
6. Análise de potabilidade microbiolóxica: Bacterias Coliformes, Escherichia Coli, Enterocos intestinais.....24,10 €
7. Análise de parámetros microbiolóxicos individuais en augas de consumo: Reconto de colonias a 22°, Clostridium perfringens.....8,10 €
8. Análise de parámetros físico-químicos individuais en augas de consumo: Ph,conductividade, turbiedade, cor, nitritos, nitratos, amonio, fluoruros, sulfatos.....6,15 €
9. Determinación cuantitativa de metais por espectrofotometría de absorción atómica de llama(calcio, magnesio, cobre ou ferro), cámara de grafito(ferro, cromo, níquel, chumbo, manganeso, aluminio,arsénico, antimonio ou cadmio), emisión atómica(sodio ou potasio), vapor frío(mercurio).....36,55 €

B) TRAMITACIÓN DE AUTORIZACIÓN DE VERTIDOS NON DOMÉSTICOS DE AUGAS RESIDUAIS:.....234,00 €

C) CONTROL DE PLAGAS.

As tarifas destas taxas serán as seguintes:

DESINSECTACION

1. Por cada actuación nunha vivenda ou local;
polos primeiros 25 m2.....25,20 €
2. Por cada m2 a maiores.....0,65 €

DESRATIZACIÓN

1. Por cada actuación nunha vivenda ou local;
polos primeiros 50 m2.....25,20 €
2. Por cada 50 m2 a maiores.....6,65 €

DESINFECCIÓN

1. Por cada actuación nunha vivenda ou local;
polos primeiros 25 m2.....25,20 €
2. Por cada m2 a maiores.....0,65 €

D) VEHÍCULOS.

Por desinfección de vehículo.....9,90 €

A prestación de servizos realizados fóra do horario normal de traballo sufrirá un recargo do 50% sobre as tarifas sinaladas.

E) LICENZA E INSCRICIÓN DE ANIMAIS POTENCIALMENTE PERIGOSOS

- Licenza.....60€
- Inscripción.....30€

ARTIGO 5.- DEVENGO E INGRESO.

1. As taxas reguladas nesta Ordenanza devengaranse no momento da solicitude do servizo.

2. O pagamento das taxas deberá realizarse con carácter previo á entrega de resultados ou realización dos servizos solicitados.

ARTIGO 6.- NORMAS ADICIONAIS.

A prestación dos servizos regulados nesta Ordenanza haberán de solicitarse a través do Rexistro electrónico; ademais no caso de solicitudes particulares de análises de augas poderá realizarse presencialmente no Laboratorio Municipal; e os relativos á plagas na Oficina de Asistencia en materia de Rexistros.

ARTIGO 7.- INFRACCIÓN E SANCIÓN

En materia de infraccións tributarias desta Ordenanza así como a súa cualificación e as sancións correspondentes será de aplicación a

Ordenanza Fiscal Xeral, Lei Xeral Tributaria e restante normativa de aplicación.

DISPOSICIÓN FINAIS.

1ª.- No non previsto na presente Ordenanza Fiscal será de aplicación a Ordenanza Fiscal Xeral, Lei 58/2003 Xeral Tributaria e restante normativa de aplicación.

2ª Esta ordenanza entrará en vigor ao día seguinte da súa publicación no BOP e comenzara a aplicarse o 1 de xaneiro de 2022 permanecendo vixente en tanto non se acorde a súa modificación ou derogación expresa.

3ª. A presente ordenanza fiscal reguladora das taxas por servizos de medio ambiente e vida saudable substitúe ás vixentes ordenanzas fiscais nº 18 Ordenanza Fiscal Reguladora das Taxas pola prestación de Servizos de inspección sanitaria e os de análises químicas, bacteriolóxicas e calquera outras da mesma natureza e nº 19 Ordenanza Fiscal Reguladora das Taxas pola prestación dos Servizos de sanidade preventiva, desinfección, desinsectación, desratización e destrución de calquera clase de materias e produtos contaminantes ou propagadores de xermes nocivos para a saúde pública prestados a domicilio ou por encargo.

PUBLICACIÓN B. O. P.:	30 DE DECEMBRO DE 1998
	30 DE DECEMBRO DE 1999
	27 DE DECEMBRO DE 2000
	30 DE NOVIEMBRE DE 2001
	26 DE DECEMBRO DE 2002
	30 DE DECEMBRO DE 2003
	29 DE NOVIEMBRE DE 2004
	07 DE DECEMBRO DE 2005
	30 DE DECEMBRO DE 2006
	10 DE DECEMBRO DE 2007
	10 DE DECEMBRO DE 2008
	11 DE DECEMBRO DE 2009
	14 DE DECEMBRO DE 2010
	22 DE NOVIEMBRE DE 2011
	21 DE DECEMBRO DE 2012
	30 DE OUTUBRO DE 2014
	15 DE DECEMBRO DE 2021

